

Gvangjsih Minzcuz Bau

Guenjbanh: Gvangjsih Bouxcuengh Sweigih Minzcuz Cunghvau Swvu Veijvenzvei Okbanj: Gvangjsih Minzcuz Bause Geiz neix 8 bani
广西民族报 Aenhauh okbanj: CN45-0036 B.2022 Nd.1 Ng.26 Liggaeuq sincouj nienz ndwenlab ngeihsei Geizsoq: Gungh daih 3509 geiz



“刘三姐”唱响桂风壮韵迎新春

1 nyied 22 hauh banhaet, Gvangjsih Liuz Sanhcej Vwnzva Yenzgiuvei caeuq Gvangjsih Gveifungh Cang' yin Vwnzva Yisuz Gyauhliuz Cunghsinh caezcaemh youq Nanzningz banh aen hoih ganggoj coux cieng moq, “vuengzfwen Mbanjcuengh” Vangz Cunhyen caeuq lai boux canghgo nem gak hangz bouxguh hong yisuz minzcuz, caezcaemh ciengqgok sing fwen “Liuz Sanhcej”, yungh gij minzcuz vwnzva miz feih Mbanjcuengh hohfuk cietndei cieng moq yaek daeujaengz.

“Liuz Sanhcej” dwg gij fouzhauh daibyauij minzcuz vwnzva Gvangjsih, Gvangjsih Liuz Sanhcej Vwnzva Yenzgiuvei roengzrengz yenzgiu, swncienz, baujhoh caeuq cauhoq hwngfat cienzdoengj minzcuz vwnzva, fatok gij cozyung dungxaiz haujlai lauxhangz, yozcej, hauj vwnzva caeuq ginghei yungzhab hwngfat. Hozdung ngoenzhaenx cungfaen yienh' ok gij cunghcij caeuq daegsaek aen yenzgiuvei neix, dangciengz yienj cezmuz cungj dwg hopheux “Liuz Sanhcej” caeuq gak minzcuz cienzdoengj vwnzva yisuz Gvangjsih aen cawjdaez neix, cungfaen langhbauij gij yinxdaeuz “vwnzva Liuz Sanhcej”.

Boux canghgo mizmingz gih raeuz, bouxyienj guekgya it gaep Vangz Cunhyen dangciengz ciengq 《Mbanjranz Fwen》, haujlai canghgo yienjciengq 《Golauz Bouxcuengh》 《Ranz Gou Youq Henz Dahlizgyangh》 《Fwengingqlaeuj Bouxcuengh》 daengj, danz dingzdingj 《Dingzdingj Ndei Ya》, diuq foux 《Ndwenggoenz Vuenyungz》 daengj cezmuz hix miz daegsaek Gvangjsih dangqmaz.

Hozdung ngoenzhaenx, Gvangjsih Liuz Sanhcej Vwnzva Yenzgiuvei aeu baiz hauj Gvangjsih Gveifungh Cang' yin Vwnzva Yisuz Gyauhliuz Cunghsinh daengj aen danhvei gapguh, doenghgiy danhvei caeuq giyez neix yaek dangguh aen dieggoek diuyenz lauxhangz yenzgiuvei diuyenz caeuq fugsah camcaz, bangrengz yenzgiu caeuq hwngfat “vwnzva Liuz Sanhcej”, caezcaemh roengzrengz swncienz vwnzva Gvangjsih, gangj ndei gojgaeq Gvangjsih.

(Sunh Bungzyen)

Raiz Doiqcieng Ndaej Haengjgyaez

手写春联受青睐

Yaek daengz cieng, Nanzningz Si Roensihgvanh hawciengz huqcieng miz vunz yungh fwngz raiz doiqcieng ndaej vunzlai haengjgyaez, siminz bae hawciengz senjcawx doiqcieng mbouj dingz mbouj duenh. Ndaw doz dwg 1 nyied 21 hauh, canghsuhfaz ndawbiengz cingq raiz doiqcieng.

(Yiz Sienghceenz ingj)



Daengq Gyoengq Beixnuengx

Aenvih cuengqgyaj gvaq cieng, geiz bauqcej 2 nyied 2 hauh mbouj ok lo. Angqhoh gyoengq beixnuengx bimoq youq ndei gwn van, ndang cangq rengz hung!